

Lokallag Vestland

## Lokal fylkesinfo 5/25 - Stortingsval og valkamp

Det nærmar seg stortingsvalet 2025. Partia har gjennomført landsmøta sine og vedtatt nye partiprogram. No går vi snart inn i ein ny fase – valkampen.

For at valkampen skal bli vellukka, er det viktig at alle nivå i organisasjonen bidrar. Denne lokale fylkesinfoen gir ein oversikt over vårt arbeid på fylkesnivå, informasjon om sentralleddets arbeid, kva forventningar vi har til aktivitet i lokallaga og kva de kan forvente av hjelp og støtte frå oss.

### Fylkesnivå og sentralleddet sitt arbeid inn mot valkampen:

- **Deltaking på konferansar og andre arrangement:** Gjennom vinteren har fylkesstyremedlemmer deltatt og vore bidragsytarar på ulike konferansar med tema som tid for dei minste/bemanning i barnehagen, lærarutdanning, praksis i utdanninga og velferdsstaten, for å nemne noko. Vi har også planar om å arrangere pedagogiske kafear til hausten med temaet fellesskulen. Sentralstyret har og vil delta i og arrangere ulike debattar i tida framover. Særleg under Arendalsveka i august vil det bli skipa til eigne arrangement i regi av både Utdanningsforbundet og Unio.
- **SoMe-kampanjar og andre kampanjar:** Sentralleddet vil rulle ut ein større kampanje i trykte media før sommaren og rett etter. I tillegg vil dei halde fram med kampanjar på ulike utdanningspolitiske tema i sosial media, i hovudsak frå byrjinga av juni. Vi vil dele desse kampanjane på våre plattformer Facebook og Instagram, i tillegg til å lage eigne oppslag på digitale flater knytt til utdanningspolitikk og arbeidslivspolitik.
- **Informasjonsvideoar:** Både vi og sentralleddet har planlagt å produsere korte videosnuttar (reels) med ulike tema framover våren og tidleg om hausten. Desse vil vi dele på sosiale media.
- **«Dette meiner partia»:** Vi har fått melding om at sentralleddet vil utarbeide ein slik oversikt når det gjeld våre kjerneområde. Vi vil kome tilbake med informasjon om kvar

dette er å finne. Dette er informasjon som kan nyttast i ulike kampanjar og arrangement.

- **Andre element sentralleddet har planlagt:** Det vil kome ei ny styrarundersøking knytt til satsinga Tid for dei minste og ei befolkningsundersøking knytt til styrka innsats i barnehage og skule. Dei har også planlagt å produsere t-skjorter, buttons, plakatar og liknande.
- **Hovudsatsingsområda for valkampen:**
  - Peike på kor skoen trykker, men også framsnakke yrket
  - Tid til å gjere jobben
  - Tid for dei minste
  - Bemanningsnormer i skule og barnehage
  - Styrk laget rundt barn og unge
  - I tillegg er foreløpige planar for arrangement under Arendalsveka kommuneøkonomi, utdanning for demokratisk beredskap og laget rundt. Dei fleste arrangement her blir tilgjengeleg digitalt.

### Våre forventningar til lokallaga:

- **Gjennomføring av og deltaking på ulike arrangement:** Vi oppfordrar lokallaga til å gjennomføre eit arrangement. Dette kan vere ein pedagogisk kafé, paneldebatt, ope møte, eller liknande for å nå ut til opinionen med våre budskap og prioriterte saker og svare ut det ein som veljar lurar på.

Kaffi-aksjonar, utdeling av skulebollar, pedagogiske kafear o.l. har erfaringsmessig vist seg å vere vellukka. Del gjerne tips og erfaringar med dei andre lokallaga. Det er allereie planlagt arrangement i nokre lokallag som er delt i sosiale media.

- **Synlegheit:** Det er viktig at lokallaga deler sentralleddet og fylkesleddet sine kampanjar på sosiale media. I tillegg er det flott om lokallaga lagar egne oppslag og evt. innlegg som de deler på SoMe, nettsida, lokalavisa o.l.
- **Andre aktivitetar:** Vi oppfordrar lokallaga til å være kreative og finne nye måtar å engasjere veljarane på. Del gjerne erfaringar med dei andre lokallaga og ta også kontakt med oss om de ønsker at vi skal bidra på noko måte.

### Kva kan de som lokallag forvente av oss?

- Valkampen blir tema på kurs for lokallagsleiar og HTV i juni. Geir Røsvoll skal ha den politiske innleiinga på dette kurset. Det blir også satt av ei økt til erfaringsutveksling om valkampen.
- Førebels finns følgande ressurside på nettet [Påvirke politikken for neste stortingsperiode](#)  
Lokallaga kan forvente at sentralleddet oppdaterer denne før valkampen tek til for fullt, mellom anna med informasjon frå partia sine partiprogram.
- Lokallaga kan forvente at fylkeslaget er synlege i valkampen, jfr. informasjon gjeve ovanfor.

- Fylkesstyret er tilgjengelege for tips og råd, og evt. bidrag inn i arrangement, om de har behov for det 😊

Vi ser fram til ein spennande og vellykka valkamp!

Vennleg helsing

Steinar Vegsund Strømsli  
Fylkesleiar

Mildrid Beate Kronborg Økland  
Nestleiar

*Brevet er elektronisk godkjent og har derfor ingen håndskrevet signatur.*